

U konkretnom slučaju prodaja je bila zaključena na formularu br.1 Nacionalne federacije zapadnoafričkih trgovačkih sindikata, cijena je bila ugovorena za netto 1 kg CIF Dunquerque, uz ukrcaj juli 1952, itd. Jedina klauzula revizije cijena koja je bila unesena odnosila se na policu osiguranja, i to za pomorski i ratni rizik, kod koje je razlika preko 1/2 % bila na teret kupca. Prema tome je ugovorena cijena paušalna cijena, i prodavalac je snosio rizik ili pogodnost varijacija u cijeni, bilo robe, bilo vozarine ili osiguranja.

/DMF 1957, str.155-157/

S.B.

APELACIONI SUD, Rouen

Presuda od 2.XII 1956.

S.A.R.L. Paris Antre Mer c/a  
S.A.R.L. Matières et produits coloniaux

Kupoprodaja FOB - Raskid - Prethodna opomena od strane prodavaoca - Naknada štete - Razlika između ugovorene cijene i vrijednosti kupoprodaje radi pokrića - Trgovačka prevara

I - Ako, u pravu, prije raskida ugovora FOB, kupac mora opomenuti prodavaoca da izvrši svoje obaveze, to je drukčije u slučaju ako bi opomena bila bezuspješna, to jest u slučaju kad je prodavalac ustupio prodanu robu trećem za vrijeme roka izvršenja i, a fortiori, ako nikad nije ni imao na raspolaganju robu koju je bio dužan dobiti.

II - U pomanjkanju isporuke i u slučaju kad je kupoprodaja FOB raskinuta krivnjom prodavaoca i na njegov teret, kupac koji se djelomično pokrio može jedino tražiti naknadu štete koja je ravna razlici između cijene ugovorene u neizvršenom ugovoru i one koju je on morao platiti kod kupoprodaje radi pokrića, a osim toga i naknadu štete zbog trgovačke prevare.

/DMF 1957, str.247/

S.B.